

EHM UCHUN DASTURGA BO'LGAN MULKIY HUQUQLARDAN FOYDALANISH LITSENZIYA SHARTNOMA № K-047/23

Toshkent shahri

« 15 » noyabr 2023-yil

“LEGALBOX TEAM” MChJ nomidan Ustav asosida ish yurituvchi direktori M.Turdialiyev (keyingi o‘rinlarda “**Foydalanuvchi**”) va fuqaro **Gulyamov Said Saidaxrarovich** (AA 9735475, Toshkent shahar, Yunusobod tumani, Iftixor 1-tor ko‘chasi, 8-uy) (keyingi o‘rinlarda “**Muallif**”) ikkinchi tomondan, O‘zbekiston Respublikasi qonunchiligiga asosan quyidagilar to‘g‘risida mazkur shartnomani tuzdilar:

1. SHARTNOMA PREDMETI

1.1. Muallif ushbu shartnomaga muvofiq o‘zi yaratgan «**AutoDoc Beta**» nomli EHM uchun dasturga (keyingi o‘rinlarda “Dastur”) bo‘lgan *mutlaq bo‘lmagan* mulkiy huquqlarni Foydalanuvchiga foydalanish litsenziyasi asosida foydalanishga ruxsat berish, Foydalanuvchi esa Muallifga mazkur shartnomada belgilangan miqdorda mualliflik haqini to‘lash majburiyatini oladi.

1.2. Ushbu shartnomaga muvofiq Foydalanuvchiga foydalanish uchun topshirilayotgan mutlaq bo‘lmagan mulkiy huquqlar Muallifning shaxsiy nomulkiy huquqlariga dahl qilmaydi.

1.3. Muallif Foydalanuvchiga 25.11.2023 yil sanasiga qadar Dasturni topshirishi shart.

1.4. Mazkur shartnoma asosida Dasturdan foydalanish huquqining hududi Toshkent shahri hisoblanadi.

2. TARAFLARNING HUQUQ VA MAJBURIYATLARI

2.1. Foydalanuvchi quyidagi huquqlarga ega:

2.1.1. ushbu Shartnoma bo‘yicha olingan huquqlardan o‘z xohishiga ko‘ra foydalanish;

2.1.2. Dasturni har qanday davlat organlari va tashkilotlarda maxsus ishonchnoma yoki qo‘shimcha tasdiqlovchi hujjatlarsiz foydalanish huquqini himoya qilish.

2.2. Foydalanuvchi quyidagi majburiyatlarga ega:

2.2.1. Muallifga shartnomada belgilangan muddatda va miqdorda mualliflik haqini to‘lash.

2.3. Muallif quyidagi huquqlarga ega:

2.3.1. ushbu shartnomada belgilangan tarzda hamda miqdorda mualliflik haqini olish,

2.3.2. o'zining shaxsiy nomulkiy huquqlariga Foydalanuvchi va uchinchi shaxslar tomonidan amal qilinishi.

2.4. Muallif quyidagi majburiyatlarga ega:

2.4.1. Ushbu shartnomada belgilangan muddatda Dasturni topshirish;

2.4.2. Dasturga bo'lgan *mutlaq bo'lmagan* mulkiy huquqlarni Foydalanuvchiga o'tkazish. Bunda Muallif Foydalanuvchiga Dasturning yagona muallifi ekanligiga, shuningdek Dasturni yaratishda uchinchi shaxslarning huquqlarini buzmagandligiga kafolat beradi. Basharti Foydalanuvchiga nisbatan uchinchi shaxslarning huquqlari hamda qonuniy manfaatlarining buzilganligi xususida da'vo kelib tushsa, Muallif mustaqil va o'z hisobi evaziga mazkur holatlarni va bildirilgan da'volarni hal qilishga kafolat beradi.

3. SHARTNOMA BAHOSI VA TO'LOV SHARTLARI

3.1. Foydalanuvchi ushbu shartnomaga ko'ra Muallifga mazkur shartnomaga muvofiq mualliflik haqining umumiy hajmi 1.000.000 so'm (bir million so'm) so'mni to'laydi.

3.2. Mazkur shartnomaning 3.1. bandida belgilangan mualliflik haqini Foydalanuvchi Muallifga quyidagi tartibda to'laydi:
100% ushbu shartnomani imzolagandan so'ng 12 oy davomida.

4. SHARTNOMANI BEKOR QILISH TARTIBI

4.1. Mazkur shartnoma taraflarning o'zaro yozma roziligi bilan Dasturning tayyor original shakli Foydalanuvchiga topshirilguniga qadar bekor qilinishi mumkin.

4.2. Shartnomani bir taraflama bekor qilish ikkinchi taraf shartnomani jiddiy ravishda buzgan holatlardagina yo'l qo'yiladi.

4.3. Taraflardan birining shartnomani buzishi ikkinchi tarafga u shartnoma tuzishda umid qilishga haqli bo'lgan narsadan ko'p darajada mahrum bo'ladigan qilib zarar yetkazishi shartnomani jiddiy buzish hisoblanadi.

5. TARAFLARNING JAVOBGARLIGI

5.1. Taraflardan biri mazkur shartnoma bo'yicha o'z majburiyatlarini bajarmagan taqdirda, boshqa taraf bunday xatti-harakatlar oqibatida o'ziga yetkazilgan zararni, shu jumladan, moddiy zararni to'liq miqdorida undirish huquqiga ega.

5.2. Dastur Foydalanuvchiga taqdim etilguniga qadar Muallif tomonidan bir taraflama bekor qilgan taqdirda, Muallif Foydalanuvchiga yetkazilgan zararni, shuningdek, boy berilgan foydani to'lashi shart.

6. FORS-MAJOR

6.1. Taraflar ushbu Shartnoma bo'yicha majburiyatlarni qisman yoki to'liq bajarmaganliklari uchun, agar ushbu muvaffaqiyatsizlik ushbu shartnomani tuzgandan keyin yuzaga keladigan fors-major holatlari, xususan: yong'in, suv toshqini, zilzila, harbiy harakatlar, ish tashlashlar, keskin epidemik holatlarning vujudga kelishi, shuningdek, davlat organlarining oldindan bilib bo'lmaydigan xatti-harakatlari natijasida yuzaga kelgan bo'lsa va mazkur holatlar ushbu Shartnoma bo'yicha majburiyatlarning bajarilishiga bevosita ta'sir ko'rsatgan bo'lsa, javobgarlikdan ozod etiladilar.

7. NIZOLARNI HAL QILISH

7.1. Mazkur shartnomadan yuzaga kelgan yohud yuzaga kelishi mumkin bo'lgan barcha nizolar hech qanday istisnosiz muzokalar orqali hal qilinadi. Talabnoma yuborish tartibi taraflar uchun majburiydir.

7.2. Agar taraflar muzokalar orqali nizolarni hal qila olmasa, tegishli nizo sud tartibida hal qilinadi.

8. BOSHQA SHARTLAR

8.1. Mazkur shartnomaning amal qilish muddati tugagach, taraflarning kelishuviga muvofiq o'rnatilgan tartibda shartnomaning muddati uzaytirilishi yoki yangi shartnoma tuzilishi mumkin.

8.2. Mazkur shartnoma taraflarning har biri uchun bir xil yuridik kuchga ega ikki nusxada tuzildi. Ushbu shartnomaga barcha qo'shimcha va o'zgartirishlar faqat yozma shaklda kiritiladi hamda har ikki tarafning vakolatli shaxslari tomonidan imzolangan bo'lsagina, haqiqiy hisoblanadi.

9. TARAFLARNING REKVIZITLARI

«Foydalanuvchi»	«Muallif»
<p>«LEGALBOX TEAM» MCHJ; Manzil: Tashkent shahar, Navoi ko'chasi, 30 uy. STIR: 309704209 E-mail: ooolegalbox@gmail.com Bank rekvizitlari: r/s: 20208000905546070001 «Kapitalbank» ATB Yashnobod filiali; . MFO: 01136 INN: 207240048, OKED: 64190 Tel.: +99871-120-20-10.</p>	<p><u>Gulyamov Said Saidaxrarovich</u> Passport: AA 9735475, 18.05.2015 sanada Yunusobod tuman IIB tomonidan berilgan. STIR: 470243030 JSHSHR: 30610760190038 Manzil: Toshkent shahar, Yunusobod tumani, Iftixor 1-tor ko'chasi, 8-uy</p>
 <p>M.Turdialiyev</p>	 <p>S.Gulyamov</p>

